

تۆرك يوردى

ناشرى : تۆرك يوردى .

مىبرى : آق چورە اوغلى يوسف .

۹ اغستوس ۱۳۲۸

۱ يىل

۲۰ سانى

تورک یوردی

اون بش کونده بر چیقار

تورکلرک فائده سنه چالشی

ادبیات

ملی مطبعه :

خروس دوکوشی

دارالمعلمین فن تربیه معلمی احسان بک افندی به

استانبولک بک صیجاق بر کونیدی . اوچ آیدنبری ، هر کیجه بیوک بر
اهمیتله بحث ایدیلان دوکوشلرک وقتی کلشدی . اوکله دن بر ساعت اول مراد
پاشا جامه نك آلو سنده کی قهوه ده طویلا نغمه باشلا دیلر . ارن کویندن ، بوغاز
ایچندن ، شهرک هر گوشه سندن خصوصی بر تربیه ایله یتشدیرلمش ، کنج ،
قوی ، یوکسک خروسلری کتیر دیلر . پاتخنده ، شروسجیلغک تار یخنده بو قدر
اهمیتلی بر کون کچمه مشدی . اسملری ذکر ایدیلان خروسلر ، اک بیوک بر
شهرتله طانیلمش اولانلردی :

جن علینک مجاری ، کپکچی آرتینک بخارالیدی ، میر آلا ی رشدی بکک
جیلی ، نیازی بکک آتشی ، راغب آغانک مجار وچیللردن کله بیاضی ، عرب
عبداللهک بالا ووزی . ایکنجی و اوچنجی صره دوکوشلر ایچون کتیر یلنلر
بونلردن آشاغی اولقله برابر ، برچوق دفعه لر باشه قالمش خروسلردی .

جامه نك مناره سنده اوکله اذانی اوقونغمه باشلا دی . اولویه قابونک
زنجیری آلتدن کنلر ، کیرتیر کلری خروسلری هپ عینی صورتده طوتیور
لردی . اورته بارمق ایکی آیاغک آره سندن کچمش ویاشلر قولتوغک آلتده

چونکه بونک تقرر ایتش اصولری ، غایت معین قاعده لری واردی . آره صره ، دقت ایتدکاری برشی دها ، صاغ الله روز کارک طاغندی قویروغی یوقاردن آشاغی صیغاق ، بوصورتله توپلرک انتظامی محافظه ایتمکدی .

اذان دوام ایتدکجه شادروانده آبدست آلانلر کیت کیده سیرلدیلر . جامعک آلوسی اوصیجاق اغستوس کونشنه رغماً کولکه ایچنده ایدی ، عادتاً سریندی . اورته ده ، هر دالی بر آچاق اوله جق قدر قالین یوکسک بر چنارک کنیش یکباره کولکه می ، ایصنمش کره میدلرک اوستندن کچهرک ، جامعک دیک ، طاق دیوارلرنده ، قیریلان ، ذره لر حالتده میدان سیریلن خفیف بر پوراز ، شادروانک قیرلری ، داغلری خاطر لاتان یوموشاق مطرد صو سملری وار . ذاتاً جامع او باشلی باشنه ، ایچی کولکه ایله دولو درینلکیله بر سرینک لشر ایدیور کیدی . صره ایله بیکه لرده اوطورانلرک آلتندن خروسلر اوتیوردی . باشقه لرینی حیرت ایچنده براقه جق بو غرابته اونلر هیچ مشغول دکلدی . بیکه لرک آلتی کوز کوز بوله لره تقسیم ایدلش ، ایچلرنده او کون دوکوشه جک خروسلر بکلیور .

قهوه نك داراجق باصیق قابوسندن بری دها کیردی . بربری ، ایجلی ، طیشلی طانیانلره مخصوص دقتسز برسلام فقط اهمیتلی بر سسله ، راست کلدیم ، اوروج فازیدن آشاغی کلیورلر دیدی . هر کسده حس ایدیله بیلن بر خلجیان واردی . خبری کتیرن ، کوچوک اسماعیل آیاقدہ قالدی الی اولویه دوعرو اوزاتهرق برشی کوستردی :

— بزمکینه باقسه کنز آ .

دیشارده ، آیاقلربنک اوستنده بر انسان کی دیم دیک قالقمش ، کنج بر هند خروسی دوریور . برینی یادیرغادینی اورته ده یالکیز قالدینی ایچون شاشغین ، شاشغین باقینیور .

او بر شیمی دیدیلر ، سن بر کره بویاورویه باق . آره ده راغب آغا ، کوچوک اسماعیلی آقیشلادی ، الله باغشلا سین ، جوق کوزل دیدی ، باقلم ، یوزینک آقيله اورته دن چکیله جکمی ؟

بو ائشاده بولمه لرك قابويه اك ياقين بر قاباغنى آچىدىلر . بولندينى ىرى
طابق ايسته بن ، متردد بر باش اوزاندى ، كهربا قدر صارى بر آياقلا ، دوشمه
تخته لرينه باصدى و چيقدى . نفتى پارلتىلى تويلرله ، سوكلون كې اوزون ،
سيم سياه بر خروس . باشنك اوسته ، چاپقن بر سربوش كې ياقمش قيصه
قىرمزى اييكي ، اوجى بر بغه كې شفاف صارى فاغاسى ، كوزلرينك ، ايچندن
كونش كچن ياقوتلره بكمزىن آتشين حلقه لرى ، قهوه خلقنى عادتاً مفتون
ايتدى . كوشه دن كمرچكى سويله نيوردى :

— اويله قاديندن ، اويله بابادن ، بويله ياورو آلير . بنم كوزمك اوكنده ،
آناسى صره ايله اوج خروسي شويله مكممل ، برتميز دوكدى . زواللى حيوانلر ،
ايكى ده مير چوبوغه بكمزىن آياقلى آره سنده ، اوسته خلاجك يايته اوغرامش
پاموغه دوندى .

بونلرى سويلدكن صوكره ، كمرچكى ياصلاندى ، باشنى يان طوته رق ،
كوزلرينى خروسه ديكدى عاشقانه برطور آلهرق دوردى . ذاتاً كيمسه كوزينى
اوندن آبرمامشدى . زيتون ياغيله سېلنمش ، هر بولى آرى آرى بللى ،
صارى آياغنى ياواش ياواش قالديريور ، پارمقلىرىنى طوپليور ، صوكره باصه جنى
وقت پارمقلىرىنى كر كين دينه جك قدر آچه رق يورييوردى . جعفر آغا ، بيوك
باباسى ، بر هفته بسليديكىنى آكلاتيكرن ، پنجره لرك ، قابونك آيدينلغنه برقالالباق
حائل اولدى . مير آلای رشدى بك ، حاجى ثابت افندى ، كمرچينك سود
برادرى ، قهوه ده كيلرك طانمادقلىرى ده ا برچوق كشيلر . رشدى بكي كورر
كورمز يارى آياغه قالدويلر ، مدخلك ايكي ياننده باشلايان سلام حركتلىرى
اوجلرده نهايت بولدى . اوطورانلرده تكرار خلجان حاصل اولمشدى ،
چونكه رشدى بكك چيلى و كېكچى آرتينك بخاراليسى اطرافنده بيوك بر ادعا
واردى .

جن على رشدى بكه صوردى :

— هب برلكده مى كلديكز ؟

— اوت .

— ایکی دقیقه سوکرم بولیس داملار ، آیری سوفاقلردن کلیدیکنز ،
سنی یوکسلته رک : کیدرکن ، اوچر ، دردر کشیدن فصله اولمایلم . کچن
دفعه کنی اونوتمایکنز .

جامعک قابوسنده کی پرده آچیلوب قاپانیور ، الارنده آیاق قابیلری جماعت ،
برر ، ایکیشر چیقیور .

اورته ده کی خروس حقنده رشدی بکک فکریخی صوردیله . خروس دکل ،
قیز کبی برشی دیدی ، انسان بونی سوس دیه مسافر اوطه سنه قور .

جامعک دیوارندن بر چایلاغک اوزامش کولکسی کچدی . خروس باشی
یان طوته رق یواش برسسه ایجه ایجه صایقلادی . کیشمک واتی یقیندی ، فقط
رک حاضر لاندیغنه دائر حالا خبر کلمه مشدی .

دیشارده قالانلر ، کوچوک اسماعیلک ، ایلک دفعه دوکوشه کیرمچک
یاوروسنی سیر ایله مشغولدیله . مراد پاشا قهوه سی بومحله نک سلاملق دائر سی
کییدی . مسافر اورایه دعوت ایدیلیر ، زیارتلر اوراده قبول اولتوردی ،
اقشام بزه بیوریکنز دیمزلر ، قهوه یه بیوریکنز ، کوروشه لم دیرلردی . فقط
قهوه آیلردنبری ، بویله اعتنا ایله کینمش مشتریلر کورمه مشدی . بوکونک اهمیتنه
بناء آره لرنده چپلاق آیاق ، انتاریلی کیمسه یوقدی ، جمعه کونی اولمقله برابر
قلمه کیدر کبی کینمشلردی . میر آلا ی رشدی بک ، آرقه دن باقلدینی وقت
چکه سنک ایکی یانندن کورولان اوزون صاری بیقلری ، یوکسک بونی ، تمیز
قویو لاجورد البسه سی ، خصوصیه کوله سنده دیکرلری کبی کورولتو ایتمه یه
عطف ایتدیکی اعتنا ایله آره لرنده آیری بر آدم کبی دوریوردی . بولملردن
فیشقیران ایکی اوقمه فاصله سنده ، اورته یه صوردی :

— عجباً خواجه ایشتمیدی ؟

جن علی دیورماق ایچون نه ممکنسه هپسنی یابدق دیدی . هی بردن ،
بربرینه صوردیله : حقیقه عجباً ایشتمیدی ؟

کمرکچی اعتراض ایتدی ، براقک شو آدمی جانم ، اوندن بر زیان کلیرسه
بکا کاسین . اون کیشی بردن سویلییوردی . حاجی ثابت افندی آیاقلریخی آلتندن

ایندیردی ، وهرکیکیکندن فضله ایشیدیلن بر سسله ، بنی دیکله باق سکا
آکلاتیم دیدی :

— حاجی علی افندیکن فلوریه سنی سن ده کورمشدک ، بن قوشی اوندن
ساتون آلم . او دوزکن یوله بوکا راست کلدیم ، ندر او الکلک ایچنده کی
دیه سوردی ، بامقلرمی یاری آچدم باق شو قوشه دیدم ، حیوانجغز آووچک
ایچنده صاری آصه کی یاتیور ، برده اوسته مدح ایتدم : او یله بر مقساره
آتیور که قام بر چیرک سورر . آدم وای آناسنی دیمز می ؟ قوش آووچک
ایچنده تتره دی ، تتره دی ، کوزلرینی قاپادی ، باشی یانه چورلدی ... اولدی .
شیمدی اویمه کلدیمی ، قابولری کلیدیور ، چوجوقلری آشاغی براقیورم .
اک دیبده ، اورته اویونینده او چکلشمش بر اویونجی به بکزمین قهوه جی
آسیلی جزومرله فنجانلرک آرقه سنده دوام ایتدی :

سن خواجهی صرب عبدالله صور دیدی ، پالاووزک باباسی ، خواجهنک
بلاسنه بتون عمرنده فاغا دوووشندن باشقه برشی یامادی . دیو کی حیوان
بر دفعه آیانغی قالدیروب طوقات وورمادی . طیق طیق طیق فاغا ... ایشته
اوقدر . اورته ده رشدی بکک الیه صرتی اوقشادینی سیاهی کوستره رک :
شیمدی شو عرب اوغلانی کورسه ، بر وای آناسنی چکر ، یتر اوتسی لازم
دکل ، دیدی .

جن علی آره لرنده کچمش بر حکایه بی خاطر لامشدی ، قهوه جی راغب آغایه
طاقلدی ، صرب اولدیمی نظره کلکسین دیه قورقارسک دکل دیدی ، عریمی
سورسک ، بیاضیمی ؟

اوطورانلرک چوغی جن علی نک نهیه تلمیح ایتدیکنی بیلیوردی ،
کولومسیه رک راغب آغانک جوابی بکلیدلر . او ، فنجانلری ییقامقده توقف
ایتدی :

— بیاض قیش ، صرب یاردر دیدی ، بر آغاج کولکسی ده اولدیمی
صرب بکا یتر . هپسی بردن کولوشدیلر : طادی اونیوتمیورسک دکل ؟
باشلرینی دوندردکلری وقت قابوده اختیصار بر قادین کوردیلر . ایجری

درين ، درين باقىيور ، برىنى آراشديرىيور . طانيديلر ، رفقينك آنهسى .

جن على سسلندى : كيمى آرادك والده ؟

— رفقى بورادهمى ؟

صاغ الى قابونك پروازينه دايامش ، ائى كورمىن كوزلريله هركى آيرى
آيرى تشخيصه اوغراشييور .

— خير كمدى .

قادىن اينسانمادى . كوزلرلى اوندىن اونه ده كيشديرىيور ، آرييوردى .
نهايت برنده توقف ايتدى . برىكى ، فسنى قولاقلىرىنك اوستنه قدر اينديرمش ،
بيىقلىرىنى اغزىنه آلمش ، قاشلىرىنى قالدېرمش ، كوز كوره برىرىنه باقىيورلر .
ايچلرندىن غالبا طانيدى ديدىلر . قادىن برقرار ويرمىدى ، آبانى ساريقلىيه ،
حاجى نابت افندىيه سوردى :

— اوغلم ، سن اوزى دوغرو برآدمه بگزييورسك ، رفقى بوكون بورايه

كمدىمى ؟

— خير كمدى .

— الله جانى آلسين ، لك قىزىنك كىناهنه نهيه كېردى . مادامكه
طاووقلرله ياشايه جقدى نهيه اولندى ؟ اوده قادىنى قاپامش ، كندى كيجه كوندوز
خروس طاووق يېشىنده دولاشييور . زواللى تازە ، قوجهسىنى كوتو قادىنلر
دكل ، طاووقلر ضبط ايتمش . هېكز اونك كېيسكز غالبا ، اورتهده دولاشان
شو كپازمه باقك ، آيول بونلردىن نه خير كوردېكز ، اوك ييه جكنى اونوتور ،
بونلرك ييه جكنى اونوتمازسكز . اشكنيه اونلره ، جكر اونلره ، سېگىرى
چىقارلمش ات اونلره ، زقوم اونلره . زواللى قادىنلر بىكلىنلر كه اوغللىرى ،
قوجهلرى كله جك ... بونلرك ، بوراده حالته باقك . سويلنه سويلنه اوزا .
قلاشييوردى :

حيوانلر سزدىن زياده قارىلرینه دوشكوندىر ، بارى بىسلىككز خروسلردىن
عبرت آلك . حولى قابوسنك زنجيرى آلتىدىن چىقدى غائب اولدى .

رفقى افندى فسنى يوقارى چكدى ، اغزنده ايصالان سياه بيىقلىرىنى ، ائك

ترسیله سیلیور ، طانیدی ظن ایتدم دیه ، ارقداشلرینه باقوب کولیوردی .
برکت ویرسین آرتق کورمیور دیدی ، فقط بمضاده کوریور . کچن کون
بر یورغین آرغین کلشم ؛ کوزم کورمیور ، بنی حکیمه کوتور دیه طوتدردی .
بن کوریورسک دیدم ، او کورمیورم دیدی ، نهایت تجربه سی قولای دیدم ،
پارمقاریمی آجهرق صوردم : بو قاج ، اوچ دیه جککن مخصوص بش دیدی .
باقدم که اولمایه جق ، بن نه یاییورم دیه صوردم و دیلی چیقاردم کولمکه باشلادی ،
ایشته کوریورسک ، حکیمه لزوم یوق دیدم . ایشی باصدیردم . دوزده ،
صبح ایرکن نمازه قالمش ؛ بیلمم نه آلمق ایچون کیدر ، دولابک قاپاغنی
آچار ، کومسده رطوبت وار ، آیاقلری مایاصیل اولیور دیه بنده خروسی
دولابه قاپامشدم . قاجار بنم اوطهیه کلیر ، توپلری اوربرمش حایقیریور :
اوغلان قوش ، دولابده جن وار .

بو اک زیاده جن علینک خوشنه کیتدی . کولمکدن قاتیلیوردی .

نیازی بک جن علییه رجا ایتدی :

— هایدی قردهشم ، انسانک کوچوکی اولمقدن دوموزک بیوکی اولمق
اییدر دیرلر ، اک کنجمر سنسک ، باق بو حریفلر نه یاییورلر ، حالا یر حاضر
دکلی ؟ روزگار اولونک دیوارلری آرمسندمه محبوس کوچوک میدانده دوکولن
قورو یابراقلری حیشتیریلرله دوندیریور ، شادروانک صویولارینه کوتوروب
دوکیوردی .

علی کلنجهمیه قدر قرار ویرلدی :

رشدی بک ، نیازی بک ، رفقی ، کوچوک اسماعیل ، دزدی امام افندی ،
طایشه خانم نعلنجی سوقاقلردن حسن بابا تره سینه چیقجه جقلر . عرب عبده ،
جن علی ، راغب اضا ، ثابت افندی ، طاش مکشک یانندن قریق طلومبهیه ،
اورادن خورخوره ، کمرکچی ، سود برادری ، مسافرلری ده یانغین یرندن
خوشقدم جامعنه صایه جقلر . اورادن فتوا امینک اوینه دوزرو . صوکره
کری قالانلر ایکنجی صره ، ینه اوچر دزد ، عینی یوللردن کیده جکار .
جن علی کوروندی :

— بیورک اغالر، سزی بکلیورلر، آرتین خروسی کتیرمش؛ کیدکده
 بلالی بی کورون، اولچوندم ایکیمزک بوی بر، بانک او بندن اوزون، رشدی
 بکک رنکی ده کیشیدی، آیاغه قالقار قالماز هبسی سیگیرلشمش کیدی.
 بولمه لردن خروسلری جیقاردیلر، درحال باشلری قوئتوقلرینک آلتنه آلدیلر.
 — سن شیمدی کلیورمیسک؟

راغب اغا اوطوراندلری کوسترهرک:

— بوچوققلری کیسه امانت ایدهیم، سز کیدک بژده کلیورز.
 جن علی وارقداشلری، ده لیکلرینه سولغون، یازیلی کاغدلر صیقیشدیرمش،
 دیوارلر، کیجه کلوب کچن سوموکلای بوچکلرک پارلاق ایزلریله دولی طاش مکتبک
 اوکنه کلدیلر. اطرافک سکوتی اینجده بوش سسی ویرن قالدیرمنر، یومالعه سز
 تموز کونشی آلتنده اوقدر ایصنمشدی که، صجاقلرک، جومبه لرک فاسله لی
 کولکه لرندن استفاده اینچون آرقه آرقه یوریورلردی.

جن علی کیکچی آرتینک بخارالینسی بردرلو اونوتمیوردی، آرقه یه ایشتدیرمک
 اینچون یوکسک سسله صوردی:

— بنله قوجه یوسف کواشسه کیم قازانیر دیرسکیز؟

عرب عبدالله سن قازانیرسک دیدی.

— او یله ایسه رشدی بکک جیلی ده بخارالی بی دوکر.

شیمدی عرب عبدالله ثابت افندی یه صوریوردی:

— دون کیجه قهوه یه نه یه کلدک، کوچوک اسماعیل کمرکچی ادعا ابه بوشیرا

ایچدیلمر

— کیم غائب ایتدی؟

— کوچوک اسماعیل ایکی شیشه ایچدی کمرکچی اوچ دانه، مبارک قولای
 طولارمی؟ شیشه لر بوشاندقجه کوسه ده کینی کورملیدک فقط کمرکچی یازم ساعت
 بر سوز سویلیدی، اغزندن بر کله جیقیمیور، بلکنی جوزدی، بانطلوتی،
 جوزدی، اوچقورینی جوزدی؛ نه دن صوکره بر نفس آلدی، نه قورتولدق
 دیدی، آزدها کیدیوردم.

هم یوریور هم ده بیک وسیله ایله خروسلرینی نازلیورلردی . ؟

بالا ووز بقالک اوکنده کی طاووقلره سسلندی : غوداق غوداق .

— سوز آتمه قادینلره چاپقین حریف .

بتون دوشوندکلری خروسلره دائردی .

جن علی ، باش باشه دوشون اولرک آره سنده برچیقماز سوقاغی کوستره رک ،
اوج سنه اول بوراده اوطوریوردم دیدی ، باشیله اشارت ایتدیکی سوقاقک
صوکنده ، یازک قوراقلرینه رغماً اشیکنی یشیللکلر برومش ، سنه لدنبری آچلما مش
برقابو ، و دیوارینک نهایتلرنده ، ایکندی به یقین ساعتارک ، خاطرله رمزک کونش
کبی محزون برضیاسی واردی . بورادن نه وقت کچسم زواللی سیفینک ویردیکی
یاورونی خاطرلارم .

چیچکدیمی اولدیدی ؟

— خیر قوروتاندن .

جن علی دوام ایتدی : پکی اما بخارالمی کورر کورمز چیلک یورکنه
اینه چک ، اوزاقدن باقدیمی ، قولجی رمضان آتاک قرده شی دیرسک ، باقیشی ،
یورویشی دوروشی ، طبق داغلی بر آناوود ، علیم الله ، چیلی دکل اونکله
نی دوکوشدیرسلر ، ایکی دقیقه دورماز قاچارم ، جان قورقوسی بو .

خورخور چشمه لرینک اوکنه کلدیله ، قارشیدن ده رشدی بک نیازی بک
وارقداشلری کلیوردی .

دوکوش ایچون انتخاب ایدیلن یر اوزون بر آخورک آرقه سنده کی باغچه ایدی .
ساعتلرجه اول یوللانیا لان آدمیر ، کوچوک میدانی قازمه و کورکلرله تمیزله مش
تومسکلری دوزلتمش ، کوره لری برکناره بیغمشدی . اورطه ده برطاش پارچه سی
به چوب بیله یوقدی . بونلر آخوردن کچرکن قریق بنجره لدن کیره رک یملکلرده
خرسزاق ایدن سرجه لر اوچدی . بر چوق کیشی ده اول کلشدی ، قهوه ده کیلره
یولده بعض طانیدقلرده التحاق ایتشدی . آخورک قابولرینی صیقی صیقی قاپاندیلر .
هرکس دیشاردن ایشلمه مک ایچون یواش قونوشیوردی .

اک اول پاره لری یازدیله . رشدی بکلک سنه دنبری تجربه ایدلمش طالعه

کوه نهرک قازانه جغنی ادا ایدنار چوقدی . جیل ایچون قونیلان پاره ایکیشر
اوجر مجیددن اوج بیک غروشی بولدی .

آرتین حساب طوتانلره تنیه ایتدی :

— جیل ایچون نه قورلرسه بندنده اوقدر ، باشقهر ، یازماسه هپسه

قارشی بن کیدرم .

جن علی یمین ایتدی ، بیک ایرام اولسه بخارالیدن یانه بیک لبرا قورم .
ادعالرینی ارتدیرانلر کیزلی برالله ارقداشلرندن اودونج پاره آلدیلر ، وقیدلر تام
اولدی . یومروقلرینی صیقانلر سیکبردن اسهینلر ، لزومسز دولاشانلر چوقدی .
آرده آرتینک رشدی بکه ویردیکی ایضاحاتدن بخارالینک سرایی برنسلدن کلدیکی ،
سلطان عزیزک خروسلری سلاله سندن اولدینی آ کلاشلی ، و آنا طرفندن
مجارلرله ، ودها زیاده رقیبی جیلله صحریتی تحقق ایتدی . اک بیوک بر وضوح
ایلی تعیین ایدیلن بوشجره ، استانبولدن بروسهیه ، بروسه دن ادرنهیه وادرنه دن
ینه استانبوله کچمک صورتیه یک مضبوط بر تاریخه مالکدی .

سیرجیلر کنیش بر دائره حالده دیزلدیلر ، چشمه نك اوکندن کلن جوجوقلر
ایلك صفه کچدی ، میر آلائی رشدی بک ، کیکچی آرتین اغا ، اک اوکده قارشی
قارشییه دورییورلر . سما کونشدن حرارتدن قیزلتیلی خفیف بر دومانله بولانمشدی ،
آخورک دیوارلرک کوزلری قاشدیرمه جق قدر پارلییوردی . بعضلری فسارینک
آلتنه مندیللر کچیرمشلر ، اوموزلری یاقان قورو آغیر برکونش آلتنه بیاض
بر آله ایچنده خلجانله بکلییورلر .

اک اول رشدی بک باشقه سنک الندن جیلی آلهرق اورتیه براقدی ، خروس
کولکه سنک اوستنده بر ایکی آدیم ایملرله دی نه ایچون کتیرلیدیکنی آ کلامش
برطور ایله دوردی . کندینی شهر ایدرکی آلدینی بومغورور وضعیتدن دولانی
هرکس آقیشلادی :

— ماشالله ماشالله

جیلله مخالف اولانلر درستی کوسترمک ایچون سسلرینی دهاجوق چیقارمشدی .

قارشى طرفدن ده بخارالى يى براقديلر . اطرافنده كيلر خطاب ايدم جكمش كې ديكينمش ، اوزون يوكسك قيب قيرمزي برخروس .
— ماشالله ماشالله

جن على بخارالى يى كورر كورمى كندى كندينه قونوشمغه باشلادى :
— ايسك به مورى قارداش .

بتون سىرجيلرده يوقاردن آشاغى برترمه مچكى . آرقه صفلى اولدينى يرده صيقشدى بخارالى ، چيل باياغى خروسلىك ياپدينى كې ، يالاندىن اشينمديلر ، فاغلريله يردن اوتته برى قالد يروب آتماديلر ، قورولهرق قاناد اينديره رك چرخه لر چيزمه ديلر بربرينه قارشى ، باق بن طوبراغى آلت اوست ايدىيورم ، توزى دومانه قايييورم ، طاشلىرى آغاچلىرى يردن قوپارييوردم ، بندن قورق معناسنه اولان بو نمايشلر ضعيفلره ، عاجزلره لايقدى . اونلر كنديلرينه امين اولانلره مخصوص بروقار ايله باقىشديلر . يالكلر آياقلىرىنك اوستنده بر آز ده ديكلديلر وحدتدن باشلىرى تتره دى .

بونلر محارب ، اصيل جدرلندن قاله براعتقادى واردى ، دنياده قارشى قارشى به كلن ايكي ار كككن برى فضله در . ايكي سى ده ايلرلدى واورته ده بولوشديلر . بويونلرينك تويلرى برقالقان كې آچيلمش ، فاغلرى اوچ اوچه ، برر آياقلىرى ايلرده ، كوز كوزه باقىيورلر ، بردن آتلديلر ، تويلر ك آچلمه سندن متولد فضله بر بارلىق ايچنده ، هواده برسس پانلادى .

سىرجيلر توقانك يرينى بربرينه يواشجه تعين ايتدى :

چيل اوموز باشى ووردى ، بخارالى بويون .

تكراز سچراديلر ، اوستلرنده قيرمزي ماني شمشكلر چاقدى وچار بيشمه نك قوتندن اوزاق دوشديلر . فاغلرينك اوچيله قاناد باشلرندن ، بربرينه دوقوتيور صوكره اوستنده كوش اوينايان تويلريله آتيلوب وورييورلردى .

سىرجيلر كچرچومه سى اورتهدى ، كسكين مهموزلرله سلاخلانمش ، آياقلىرىنك آلتنده منتظم كوليكه لرى ، دونيور ، باقلاشييور ، اوزاقلاشييور ، قوتلرينى صوكره به صاقلابه رق بربرينى خير پالييورلر .

آنسزین سیرجیلر قاریشیدی ، چیلک قالین ، آغیر آیاقلری آره سنده چابراشیق
بر توقاتله بحارالینک بویونی قیرلمش ، یانه چاریلشیدی هرکس آرقه سنه دونیور ،
یانسه باقییور برینی آرییور؛ فقط قانع اولمایه رق تکرار تکرار باقییورلردی؛ انتظام
یواش یواش عودت ایتدی . بحارالی قیریق بویوننه رغماً دوووشییوردی .
اواننده اومولماق برشی دها اولدی . چیل قولاق توزلرینه یدیکی چالاک بر
توقاتله آجی آجی حایقره رق قاجدی: غراق غراق ، بوخروس لساننده مغلوب
اولدم ، بس ، بس دیمکدی .

سیرجیلر تکرار آلت اوست اولدی آره لرنده کیزلی بر آدم آرییورلردی :
بوقدر چابوق برینک بوینی قیرلسین ، اوبری قاجسین مطلق نظرچی
خواجه اونلرله برابر دی .

رفق قاربشیقلق آره سنده حایقیردی . دوغرو دورک یاهو ، بلکه دوزرتکرار
طوتار . هرکس حدتلمندی ، جانم بیلمییورمیسک ، حیوان غراق غراق دییور ،
سن حالا دوزر طوتار دییورسک .

— قالدیرک ، چیلی کناهدر قالدیرک .

شیمدی بتون اوراده بولنانلر رشدی بکی تسلی ایچون اطرافنی آلدیلر فقط
رشدی بک قیب قیرمزی بریشان یوزیله اونلری ترک ایتدی ، آرتینه دوغرو
ایلرلدی . او ایچنده کی آجی بیوک بر جهد ایله ینمشدی .

اوبر دوکوشلردن اول سنی تبریک ایدیم آرتین دیهرک ، بحارالینک مظفر
صاحبنی قوجاقلادی وترلره بولانمش آلندن کورولتولی برپوسه ایله اوبدی :
— آرتین سنی تبریک ایدرم ، جوق کوزل یتیشدیرمشسک ؛ افتخار ایت .

محمدالد صبی

تعلیم و تربیه

طوغرو دوشونمک نیچون غایت کوچدر ؟

انسانلری اشرف مخلوقات قیلان مزیت ، شبهه سز ، قوه فکریه در . آثار
بشریه دن بونجه بدایع صنعت و معرفت هب تفکر محصولیدر . برملک علوی